



# Synfocity = 725

mail us at : [mzsynfo@gmail.com](mailto:mzsynfo@gmail.com); [mizoramsynod@gmail.com](mailto:mizoramsynod@gmail.com) - Phone - 2314648

March 21, 2019

## ❑ Tripura Synod hawng dawn

March 24, 2019 (Pathianni) hian Tripura Synod chu Noagang-ah hawn a ni dawn a, PCI Moderator Rev. Lalramliana Pachuau-in a hawng ang. Synod hawn hmanpui tur hian Mizoram Synod atangin mi 22 bakah Mizoram Synod Choir leh Kanhmun Bial atang te-in an kal ang.

Tripura-ah hian kum 1976 atang khan Thlarau Bo Zawngtute(TBZ) ten rawngbawlina an nei a. Kum 1986-ah Synod Mission Board chuan Field atana pawmin thawktu dah tan a ni a, field thang chak berte zing a mi a lo ni ta a ni. Kum 2012 Mizoram Synod Inkhawmpuiin PCI General Assembly-ah Tripura chu Synod hranga awm turin a thlen a, kum 2014-ah PCI General Assembly chuan zirchiang tur (Study Team) dinin hmalak a ni a, kum 2016 PCI General Assembly chuan Provisional Synod-a hlan kai a rem ti a, kum 2017 khan Provisional Synod-ah puan an ni ta a ni.

## ❑ Chhim Bial Kohhran Hruaitute Intawhkhawm

March 15 - 17, 2019 khan kum tina tihdan thin angin Chhim Working Committee buatsaihin Mizoram Presbyterian Kohhran Chhim Bial Kohhran Hruaitute Inthawhkhawm 2019 chu Lunglei Electric Veng Kohhranah neih a ni a. He hunah hian chhim lama Kohhran leh Bial aiawh hruaitute leh Pastor/ Pro Pastor leh Minister te mi 201 an lai an kal thei a ni. Heng bakah hian Intawhkhawm chhimtu mi thahnem tak an awm bakah Lunglei khaw chung Pastor Bial Zaipawlte leh Presbyterian Choir, Lunglei te an zai thei baw.

He Intawhkhawmah hian zan lamah Speaker Rev. Vanlalbela chuan Pathian thuchah a sawi thin a, a tan zan hian Rev. John Raldosanga, Administrative Secretary, Chhim Bial chuan Pathian thuchah a sawi baw. March 16 (Inrinni) chhunah khan Seminar neiin Resource Person atan Rev. Vanlalbela hi hman nghal a ni a, chawhnu lamah kohhran hmasawna tur leh hruaitute tihtur pawimawh hrang hrangte sawihona hun tha tak hman a ni a, tlaiah chawhlui kilho nghal a ni.

He Hruaitute Inthawhkhawm Report atanga a lan dan chuan Chhim Bialah hian Pastor Bial 24 a awm a, chu chu Presbytery 5-ah then niin Kohhran 114 leh Branch Church 27 an awm mek a. Dan Zawh Kim hi 13523 awm mekin chhungkua hi 4733 an awm mek a, Kohhran member zawng zawng hi 21065 an awm mek baw a ni. Kum 2017 - 18 chung khan Chhim Bial atang hian Rs.511,55,793/- lai Synod-ah chhun luh a ni baw. Chhim Bialah hian Pastor 25 leh Minister 2 awmin, Missionary 246 (SMB) leh Masihi Sangati Evangelists 30 leh Fixed Pay Workers 8, an vaim mi 337 an awm a. Synod Home Mission School hi 18 awmin Primary Level - 11, Middle Level - 5 leh High School Level hi 2 an awm a, Bial/Kohhran mal enkawl hi 14 lai an awm baw a ni. Heng School-ah te hian zirlai 2933 leh zirtirtu 196 an awm mek.

Chhim Biala Synod Office hi Lungleiah hian a awm a, chu chu Administrative Secretary-in thutchilhin Chhim Bial Pastoral leh Mission hmunte enkawltu leh khaihawmtu a ni a, heng bakah hian Lunglei khuaah hian Dawmdawi In - John Williams Hospital awmin Doctor - 4, Staff Nurse - 17 leh thawktu dangte nen mi 42 an thawk mek baw a ni. Family Guidance & Counselling Centre hi 1 awmin Synod Mission Centre Building hi Salem Veng, Lungleiah kan nei baw a, Synod Complex, Thawktute chenna quarters kan neihte chu Building pawimawh awm mek te an ni baw.

## ❑ Finance

March 22 & 23, 2019 hian Kolasib HmarVeng Kohhranah Account Training neihpui turin Pu Zaihmingthanga Fanai, Accountant leh Upa P.C Vanlalrova, O/A te an kal ang.

## ❑ MSSU

March 23, 2019 (Inrinni) hian Haflong Kohhran-ah Sunday School zirtirtute training neihpui turin Upa Lalthahluna Ralte, MSSU Asst. Coordinator leh MSSU Trainer Upa K. Vanlalnghaka te an kal ang.

## ❑ Synod Bookroom Mobile Bookshop 2019

March 18 - 23, 2019 chung hian Synod Bookroom chuan kumtina a lo tih thin angin, Synod Bookroom chuan Mobile Bookshop a buatsaih a ni a, mobile bookshop hian tlangdung 4 tuamin khaw 37 an tlawh a ni.

Kumdangah Mobile Bookshop hi tlangdung 3; Tuichangral Tlangdung, Tuipuiral Tlangdung leh Sialkal tlangdung te tan buatsaih thin a ni a. Kumin erawh chuan huang zauh hretin Khawthlang lam tlangdung, Hachhek tlangdungah fehchhuah programme hi siam belhin tlangdung 4-ah Mobile Bookshop hi an fehchhuak a ni. A sum leh pai zawngin hlawkna nei lemlo mahse lehkhabu tha leh Kohhran mamawh leh School mamawh, Bookroom dawr ve pha loten an dawr ve theihna remchang nei a, man tlawm zawka an hmuh baw si hi Synod Bookroom chuan rawngbawlina pawimawh takah a ngaia kumtin thal lain vawikhat a buatsaih thin a ni.

Contd...

- ❑ **Synod Worship**
  - ◆ March 18 - 23, 2019 chung hian Bawngkawn East Kohhranah Vocal training neihpuiin Tv. H. Lal̄hazuala, Instructor a kal.
  - ◆ March 23 & 24, 2019 hian Sihfa Kohhranah Zaihruai training neihpui turin Pu Lalromawia, Senior Instructor a kal ang.
- ❑ **Kohhran Hmeichhia**

March 23 & 24, 2019 hian Bairabi Bialah Leadership Training leh Kristian Chhungkaw Campaign nei turin Central Kohhran Hmeichhe Hruaitute Pi R. Lalrampari, Pi F. Lalsangmawii, Pi Lalremruati leh Pi Zonunsangi te an kal ang.
- ❑ **KTP**
  - ◆ March 23 & 24, 2019 hian Phullen Vengthar Bial KTP Leadership Training neihpui turin Central KTP Committee member-te - T.Upa Lalsiammawia Pachuau leh T.Upa Lalrinmawia Ralte te an kal ang.
  - ◆ March 23, 2019 hian Chanmari Branch Diamond Jubilee hmanpui turin Central KTP hruaitute an kal ang.
- ❑ **Revival**

March 20 - 22, 2019 chung hian Synod Conference Centre-ah Synod Revival Speaker-te pualin Residential retreat neih a ni a, thupui chu "Revival leh Counselling" tih a ni.

Retreat hi March 20, 2019 (Nilaini) zanah tanin Retreat hawna neih a ni a, Rev. Lianhmingthanga Sailo, Senior Executive Secretary-in a kaihruai a, Rev. K. Rolungmuana, Revival Director-in thupuanna hun hmangin Synod Moderator Rev. R. Lalhmingthanga'n Keynote Address a sawi a, March 22, 2019 (Zirtawpni) zan hian Retreat kharna hun hman a ni ang.

Retreat-ah hian thupui pawimawh tak tak - Revival rawngbawlnaa Counselling pawimawhna tih te, Lal Isuan Counselling a kalpui dan tih te leh Inpawhtawna tih te zirho a ni a, heng thupui hrang hrang te hi mi thiam hrang hrangin an zirtir thin a ni.
- ❑ **Synfo**
  - ◆ March 23 & 24, 2019 hian Khawruhlianah Ramthar Inkhawmpui hmanpui turin Dr. Robert S. Halliday, Coordinator leh Synod Mission Choir te an kal ang.
  - ◆ Synfo Recording Studio chu peih fel tawh a ni a, recording ti duh tan booking a tih theih a, Studio hi March 26, 2019(Thawhlehi) hian Synod Moderator-in Pathian hnena hlanna hun hmang tura ruahman a ni.
- ❑ **SMTC**

Synod Multipurpose Training Centre (SMTC) buatsaih Lay Leaders Training wawi 206-na chu SMTC Lecture Hall-ah March 19, 2019(Thawhlehi) khan Pathian hnena hlanin hawna hun hman a ni a. Training hian March 25, 2015 (Thawhtanni) thleng a awng.

Tun tum training-ah hian Presbytery sawm (10) - Champhai North, Hmarphei, Tuichang, Tuirini, Champhai South, Aizawl East, Chhimchhak, Chhimtawp, Tlawng, Tuichangral North atangin Kohhran Upa 50 koh niin Kohhran Upa 42 an tel thei a ni. Training hawna inkhawm hi Rev. Vansawma, Proramme Director, SMTC in a kaihruai a, inlawmna thu sawiin report a pe nghal a, chairman hian training hawna neiin thuchah a sawi nghal a, Rev. C. Chawngliana, Resource person-in malsawmnain inkhawm a thin a ni.

Hetiang hunah hian Kohhran Upate tan Kohhran enkawl dan leh inrelbawlna lam atana pawimawh chi hrang hrangte zirna hun tha tak buatsaih a ni thin a, Kohhran thlarau lam nun enkawl dan tha te zir ho thin a ni baw. SMTC hi kum 1993 Synod-in din tura a rel angin January 12, 1996 khan din a ni a, a tira a hming chu Christian Multipurpose Training Centre tih niin kum 2001 Synod khan a hming hi Synod Multipurpose Training Centre tiin a thlak leh a ni. Kohhran Upate tana Lay Leadership Training hi kum 1996 atang khan neih tan niin wawi 206 lai neih a ni tawh a, Kohhran Upa 6602 zetin training hi an nei tawh a ni.
- ❑ **Synod Relief Fund**

Tun hnaia harsatna hrang hrang neite hnenah Synod Relief Fund atangin chhawmdawlina hetiang hian pek an ni.

S.No	Khua	Pek chhan	Chhungkaw zat	Chhawmdawlina pek zat
1.	Hmunpui	Kangmei tuar	1	Rs. 10,000/-
2.	Forest Veng, Tuipuibari	Damlo	1	Rs. 8,000/-
3.	Andermanik	Khawsak Harsa	1	Rs. 8,000/-
4.	Maubaw	Damlo	1	Rs. 8,000/-
5.	N. Lungleng	Kangmei tuar	1	Rs. 5,000/-
			<b>TOTAL</b>	<b>Rs.39,000/-</b>

- ❑ **Synod Prison Ministry**  
March 20 - 22, 2019 chhung khan District Jail hrang hrang - Lunglei, Lawngtlai leh Saiha-ah te rawngbawlna neiin Rev. R. Lalvulluaia, Synod Prison Ministry Director leh Committee member-te - Rev. H. Laltlanthanga leh Rev. H. Lalrinsanga te an kal.
- ❑ **Zin**
  - ♦ March 23 & 24, 2019 hian Tripura Synod hawnna hmanpui turin Noagang-ah Rev. R. Lalhmingthanga, Synod Moderator, Rev. Lianhmingthanga Sailo, Senior Executive Secretary leh Rev. C. Zoramawia, Secretary, SMB te an kal ang.
  - ♦ March 12 - 21, 2019 chhung hian Field Committee turin Field hrang hrang - Jharkhand, Patna, Lucknow leh Delhi field-ah Rev. K. Lalrinmawia, Executive Secretary a kal.
- ❑ **Hruaina Eng FM Radio**
  - ♦ **MARCH 22, 2019 (FM Zoawi Aizawl & FM Lunglei @ 7:30 p.m.):**  
**Solo :** Emily Vanlaltluangi - Malsawmtu fakin, **Zaipawl :** ITI Veng Kohhran Zaipawl - Lalpa thilpui a tleh chiam a, **Thusawi :** Rev Zothansanga - Thawhrim malsawmna, **Solo :** Esther Lalthianghlimi - hrehawmna piaha malsawmna, **Zaipawl :** ITI veng Kohhran Zaipawl - Lalpa kan chawisang che
- ❑ **Hruaina Eng TV Programme**  
**Susamachar Prasaran Programme**
  - ♦ **MARCH 24, 2019 (Pathianni) 5:00 pm. :**  
**Group/Choir/Solo :** Synod Mission Choir - Mukti Dilaye Yesu Naam & Rabki (Medley)  
**Group/Choir/Solo :** Champhai Bethel Pastor Bial - Jab Jab Dekho  
**Testimony :** NL Mishra, Assam Mission Field  
**Group/Choir/Solo :** PC Lianhmingthanga - Ye Dharti  
**Group/Choir/Solo :** Chawnpui Kohhran - Thandi Howe
  - ♦ **MARCH 24, 2019 (Tv Programme) @ 4:00 - 6:00, 8:00 - 9:00 p.m) :**  
Weekly Round Up  
KTP Rorel Inkhawm 2019  
Kohhran Hmeichhe Inkhawmpui Lian 2019

### HNA RUAK DIL THEIH

Mizoram Presbyterian Kohhran hnuaiyah heng Contract hnate hi a ruak a, kum 18-35 inkar, ni 16.4.2019- a kum 18 pum tawh, kum 35 la pumhlum lo tan dil theih a ni. Zuk leh hmuama fihlim tan dil theih a ni. Hna dilna Form hi Dt. 13.3.2019 atangin Synod Office-ah lakchhuah theih a ni a. Hna dilna Form-ah hriat tur pawimawh tihlan a ni.

#### 1. Synod Office, Lunglei-a thawk tur

##### 1) Office Assistant (OA), Post - 1

Thiamna: HSLC of any recognised Board

Hlawh : Synod Contract Rate

##### 2) Chowkidar, Post - 1

Thiamna: Class VIII Certificate Holder

Hlawh : Synod Contract Rate

#### 2. Chowkidar, P.C Girls' School, Aizawl-a thawk tur Post - 1

Thiamna: Class VIII Certificate holder

Hlawh : Synod Contract Rate

#### 3. Moral Instructor, Synod Higher Secondary School, Aizawl-a thawk tur Post - 1

Thiamna: Theological Graduate from any recognised Institution

Hlawh : Synod Contract Rate

**Dil theih hun chhung : Dt. 8.4.2019 (Thawhtanni), 5:00pm thleng**

**Screening test / exam : Dt. 10.4.2019 (Nilaini), 10:30am**

**Interview : Dt. 16.4.2019 (Thawhlejni), 11:00am**

Sd/-

**(REV. LIANHMINGTHANGA SAILO)**  
Secretary, Synod Service Board